



Concello de Bueu

Expediente	3908/2025
Código SIA	2824604
Procedemento	Subvencions Directas o Nominativas
Asunto	Subvención directa a ASOCIACIÓN PROTECTORA DE ANIMAIS DO MORRAZO
Unidade Xestora	810 Promoción económica
Documento	Documento de Formalización do Convenio.
Trámite	Subscrición de Convenio

CONVENIO DE COLABORACIÓN ENTRE O CONCELLO DE BUEU E A ASOCIACIÓN PROTECTORA DE ANIMAIS DO MORRAZO PARA A RECOLLIDA DE ANIMAIS SOLTOS OU ABANDONADOS.

Ante min, **Don Belarmino Barreiro Rosales**, funcionario de carreira,, na miña condición de **secretario accidental do Concello** e no exercicio da Fe Pública, de conformidade co disposto non artigo 3.2.i) do Real Decreto 128/2018, do 16 de marzo, polo que se regula o réxime xurídico dos funcionarios de Administración Local con habilitación de carácter nacional,

COMPARECEN

Dunha parte, **Don Félix Juncal Novas**, maior de idade, provisto de NIF núm. ***9265**, e con domicilio a estes efectos na Rúa Eduardo Vicenti núm. 9, 36930, Bueu, Pontevedra.

E, doutra parte, **Dona Laura Soliño Castiñeira**, maior de idade, provisto de NIF núm. 73240623K e con domicilio a estes efectos en Broullón s/n, Moaña, 36954, Pontevedra.

INTERVEÑEN

O **Sr. Juncal Novas**, en nome e representación do **CONCELLO DE BUEU**, entidade local, provista de C.I.F. núm. P3600400J e con domicilio en Rúa Eduardo Vincenti núm. 8, 36930, Bueu, Pontevedra, actúa en méritos da súa condición de titular da **Alcaldía-Presidencia** do referido concello, cargo para o que foi elixido mediante **Acordo de Pleno**, adoptado na súa sesión constitutiva celebrada en data **17 de xuño de 2023**, e no exercicio das competencias que lle outorga o art. 21.1. letras b) e s) da Lei 7/85, de 2 de abril, reguladora das Bases de Réxime Local, de aquí en diante, LRBRL, e o art. 61.1. letras a) e s) da Lei 5/97, de 22 de xullo, de Réxime Local de Galicia, de aquí en diante, LALGA.

A **Sra. Soliño Castiñeira**, en nome e representación **ASOCIACIÓN PROTECTORA DE ANIMAIS DO MORRAZO**, provista C.I.F. núm. G36196731 e con domicilio social Lugar Broullón s/n, Moaña, 36954, Pontevedra, actúa na súa condición de **Presidenta** da referida asociación e debidamente inscrita no Rexistro Provincial da Xunta de Galicia co nº 193/002949-1, no exercicio que lle confire os Estatutos da Asociación.

Concello de Bueu

R/ Eduardo Vincenti, 8, Bueu. 36930 (Pontevedra). Tfno. 986390029.



Concello de Bueu

As partes recoñécense con competencia e capacidade legal suficiente para outorgar e formalizar este convenio, con base nos principios de colaboración, cooperación, coordinación e eficacia e, para estes efectos, de común acordo

EXPOÑEN

I. O artigo 25.2 da LRBRL, no suas letras f) e j) fai unha reserva material de competencias en favor de todos os municipios de España, en materia de protección civil e protección da salubridade pública, que exercerá nos termos que dispoña a Lexislación do Estado ou no seu caso a Lexislación de Galicia, por pertencer o Concello de Bueu á Comunidade Autónoma de Galicia.

Ademais, o punto primeiro do citado artigo, sinala que os municipios, para a xestión dos seus intereses e no ámbito das súas competencias poden promover actividades e prestar cantos servizos contribúan a satisfacer as necesidades e aspiracións da comunidade veciñal.

II. En desenvolvemento das indicadas reservas de competencias, A **Lei 7/2023, de 28 de marzo, de protección dos dereitos e o benestar dos animais** recolle as atencións mínimas que han de recibir os animais dende o punto de vista hixiénico - sanitario, así como a tenencia, venda ou mantemento destes, a fin de garantir uns mínimos de bo trato dos animais, regulando a inspección e vixilancia, as obrigas dos seus posuidores, os centros de recollida e albergues ou as instalacións para o seu mantemento temporal, así como regula as competencias dos municipios nas indicadas materias.

Segundo se indica no artigo 22 .1 desta Lei, *“corresponderá aos concellos a recollida de animais extraviados e abandonados e o seu aloxamento nun centro de protección animal. Para iso deberán contar cun servizo de urxencia para a recollida e atención veterinaria destes animais, dispoñible as vinte e catro horas do día. Esta xestión poderá realizarse directamente polos servizos municipais competentes ou por entidades privadas, sen prexuízo de que, sempre que sexa posible, se realice en colaboración con entidades de protección animal”*.

III. Ademais do anterior, A **Lei 4/2017, de 3 de outubro, de protección e benestar dos animais de compañía de Galicia** establece as normas que garantizan a protección e o benestar, así como a posesión e tenencia responsable de animais de compañía, incluídos os silvestres mantidos en cativeiro con fins distintos do produtivos, no ámbito territorial da Comunidade Autónoma de Galicia.

IV. A Lei 7/2023 define no seu artigo 3 como entidades de protección animal aquelas entidades sen ánimo de lucro, que desenvolvan calquera actividade de coidado, rescate, rehabilitación, búsqueda de adopción de animais, xestión de colonias felinas, concienciación en tenencia de animais responsable ou defensa xurídica dos animais, inscritas no Rexistro de entidades de protección animal de conformidade co disposto nesta lei.



Concello de Bueu

V. A ASOCIACIÓN PROTECTORA DE ANIMAIS DO MORRAZO, de aquí, en diante a Asociación ou APAM, é unha asociación de protección e defensa dos animais constituída legalmente e sen fin de lucro, e que ten por obxecto fundamental a protección e defensa dos animais do medio no que viven e está debidamente inscrita no Rexistro de Asociacións de Galicia co número 1993/002949-1, dende a data de 6 de xullo de 1993 e dispón dunhas dependencias de refuxio de animais con número de rexistro zoolóxico 36/029/0007/CR, sita en Broullón, Moaña.

VI. A APAM, previamente presentou declaración responsable de Non estar en ningunha das situacións que establecen os artigos 13.2 e 10.2, da Lei 38/2003 xeral de subvencións e da Lei 9/2017 de subvencións de Galicia respectivamente, para ser beneficiario de axudas ou subvencións, así como presentou certificados e está ao corrente nas súas obrigas tributarias coa AEAT, Comunidade Autónoma e Concello de Bueu, e coa seguridade social mediante certificado emitido pola TGSS.

VII. A Lei 40/2015 de Réxime Xurídico no seu artigo 48.1 establece que as Administracións Públicas, os seus organismos públicos e entidade de dereito público vinculados ou dependentes e as Universidades Públicas, no ámbito das súas respectivas competencias, poderán subscribir convenios con suxeitos de dereito público e privado, sen que isto poida supor cesión da titularidade da competencia, así como no punto 7 do citado artigo se prevé que cando instrumenten unha subvención, deberan cumprir coa normativa de subvencións, permitindo ao efecto subscribir convenios con suxeitos de dereito privado, tal e como se prevé no artigo 47.2 da citada Lei.

De conformidade co anteriormente exposto, as partes que interveñen formalizan o presente Convenio, o cal se rexerá polo disposto nas seguintes

CLÁUSULAS

PRIMEIRA. OBXECTO

O obxecto do presente convenio é regular a execución da subvención directa que outorga o Concello de Bueu á Asociación Protectora de animais do Morrazo coa finalidade de garantir a recollida de animais extraviados e abandonados e o seu aloxamento nun centro de protección animal.

Na actualidade, debido ás condicións do centro destinado ao seu fin social sito no lugar de Broullón, unicamente se incluírá a recollida de cans extraviados e abandonados, non podendo asumir a entrada doutras especies por razóns de salubridade e seguridade.

SEGUNDA. RÉXIME ECONÓMICO E FINANCIAMENTO

Concello de Bueu

R/ Eduardo Vincenti, 8, Bueu. 36930 (Pontevedra). Tfno. 986390029.



Concello de Bueu

O Concello de Bueu achegará á Asociación Protectora de Animais do Morrazo unha cantidade de 27.000 €, que será distribuída en 3 anualidades (2025,2026 e 2027) en función da dispoñibilidade orzamentaria, destinando 9.000 € a cada anualidade, de acordo co seguinte detalle:

Proxecto	Custo anual	Importe subvención 2025	Importe subvención 2026	Importe subvención 2027	Total subvención	Aplicación orzamentaria
Fomento da protección animal	128.504,00 €	9.000,00 €	9.000,00 €	9.000,00 €	27.000,00 €	311/489.00

En todo caso, e de acordo co establecido no artigo 56.2 do Real decreto 887/2006, de 21 de xullo, polo que se aproba o Regulamento da Lei 38/2003 xeral de subvencións, dada a tramitación anticipada da convocatoria, esa contía quedará condicionada á existencia de consignación axeitada e suficiente na aplicación 311/489.00 do Orzamento do Concello de Bueu para os exercicios 2025,2026 e 2027 .

Esta achega terá o carácter de subvención e será compatible con outras axudas, subvencións ou ingresos percibidos para a mesma finalidade, tendo en conta que o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

O beneficiario ten a obriga de comunicar ao Concello de Bueu, a obtención de subvencións ou axudas para a mesma finalidade, procedentes de calquera outra Administración ou ente público ou privado.

TERCEIRA. OBRIGAS DA APAM.

A Asociación Protectora de Animais obrígase polo seguinte convenio:

- Á recollida dos cans abandonados, previa solicitude do Concello. Entenderase neste suposto, os cans abandonados, feridos, enfermos e maltratados; a custodia, alimentación e coidado da totalidade dos cans que se alberguen nas instalacións do centro de recollida, especialmente dos feridos e maltratados.
- Á xestión e conservación das instalacións do refuxio de animais de Broullón (Moaña), manténdoo en condicións dignas de utilización, sen prexuízo das actuacións que puideran promoverse para a súa mellora.
- A estar operativa no centro de protección animal de luns a sábados dende ás 09:00 h ata as 17:00 h. Fóra deste horario, só serán atendidas pola Asociación as urxencias, entendendo como tal cans atropelados ou feridos.
- O sacrificio dos animais realizarase só por motivos de seguridade das persoas ou animais ou da existencia de risco para a saúde pública debidamente xustificado. A eutanasia soamente estará xustificada baixo criterio e control veterinario co único fin de evitar o sufrimento por causas non recuperables que comprometa seriamente a

Concello de Bueu

R/ Eduardo Vincenti, 8, Bueu. 36930 (Pontevedra). Tfno. 986390029.



Concello de Bueu

- calidade de vida do animal e que terá que ser acreditado por profesional veterinario colexiado.
- e) Ao coidado, atención e vixilancia dos animais illados ou en observación no recinto, cando as circunstancias así o requiran ou o determinen os facultativos do servizo que os controlarán sanitariamente.
 - f) A recollida e retención no centro efectuarase sempre en condicións totalmente compatibles cos imperativos biolóxicos da súa especie.
 - g) A poñer a disposición da administración municipal a documentación relativa aos cans relacionada directa ou indirectamente co obxecto do convenio.
 - h) A fomentar as adopcións dos animais do refuxio respectando a normativa.
 - i) A levar a documentación necesaria relativa á entrada e admisión de animais, vacinación, sacrificios, identificación, etc. Especialmente cando o determinen os servizos técnicos municipais en razón da seguridade, hixiene e control da poboación animal.
 - j) O especial cumprimento das instrucións e ordes que dite o persoal facultativo dos servizos veterinarios en relación cos animais que causen lesións ou resulten sospeitosos de padecer enfermidades contaxiosas.
 - k) A Asociación Protectora entregará os cans aos seus donos sempre que a reclamación se realice no prazo de 10 días seguintes á súa notificación ou publicación, de acordo co establecido no artigo 23 da Lei 4/2017.
 - a. Para a entrega, a persoa que reclame o animal deberá demostrar a súa condición de dono a través do correspondente microchip; de non contar con el, deberá facelo a través doutros medios tales como cartillas de vacinación, fotos ou calquera outro medio.
 - b. A Asociación procederá a identificar o animal coa marcación establecida pola Lei se non a tivese, e a persoa que se identifique como dono asumirá os gastos xerados por esta actuación.
 - l) Identificar e rexistrar, no mesmo momento da súa entrada no centro, a todos aqueles animais que sexan recollidos sen portar identificación.
 - m) A Asociación Protectora de Animais non poderá establecer convenios nin concertos puntuais con propietarios ou posuidores de animais para a exclusiva custodia ou garda de cans mediante prezo.
 - n) A Asociación Protectora de Animais quedará obrigada fronte ao persoal que poida contratar, do cumprimento das obrigas sociais, laborais, económicas e fiscais que correspondan, sen que o incumprimento das mesmas implique responsabilidade algunha para o Concello.
 - o) A asociación queda obrigada a reflectir a difusión do financiamento percibido polo Concello de Bueu nas instalacións, páx. Web ou redes sociais.
 - p) A Asociación Protectora de Animais disporá dos servizos profesionais dun veterinario/a propio nas instalacións, e se isto non fose posible traballará con calquera veterinario/a da zona que será elixido libremente pola Asociación.
 - q) A Asociación Protectora queda obrigada ao cumprimento en xeral da normativa establecida na Lei 7/2023 ou outra que se estableza sobre as medidas hixiénico -

Concello de Bueu



Concello de Bueu

sanitarias relativas ós cans e especialmente cumprirá as condicións e requisitos sinalados nos artigos 44 e seguintes da Lei 7/2023.

CUARTA. OBRIGAS DO CONCELLO.

O Concello de Bueu comprométese a:

- a) Prestar á Asociación o apoio necesario para o cumprimento do presente Convenio poñendo a súa disposición os medios humanos e materiais suficientes e adecuados para cada caso.
- b) A fomentar as adopcións dos animais do refuxio respectando a normativa.
- c) O outorgamento dunha axuda de 27.000 €, a razón de 9.000 € por anualidade, para facer fronte os gastos que supón a xestión do centro e as demais obrigas establecidas neste convenio
- d) Facilitarlle a través da Policía Local os datos dos propietarios do can que figuran no Regiac, cando este fose recollido pola Asociación.
- e) Colaborar coa Asociación no fomento da adopción dos animais acollidos na instalación.

QUINTA. XUSTIFICACIÓN E PAGAMENTO

De acordo co establecido no artigo 34 da Lei 38/2003, xeral de subvencións, o Concello realizará un pagamento anticipado de 9.000 € (correspondente ao 33,33% do importe do convenio), con carácter previo á xustificación como medida de financiamento necesario para levar a cabo as actuacións.

O pagamento restante, realizarase no momento da completa xustificación pola Asociación do cumprimento da finalidade e demais condicións establecidas no convenio, coas seguintes datas límites:

- Anualidades de 2025 e 2026, o 1/11/2026.
- Anualidade de 2027, o 1/11/2027

Para a xustificación e pagamento final ,a Asociación Protectora de Animais do Morrazo deberá presentar a seguinte documentación xustificativa dentro das datas indicadas:

- Memoria xustificativa na que se incluírá información sobre as actividades realizadas: número de cans acollidos, falecementos, campañas de adopción, esterilizacións practicadas ou tratamentos veterinarios,...
- Conta xustificativa de gastos: Relación de facturas/gastos para xustificar a subvención concedida, segundo o modelo anexo I.
- Facturas e/ou xustificantes dos gastos subvencionados no período correspondente, así como xustificantes bancarios acreditativos do seu pagamento. Para aqueles gastos con

Concello de Bueu

R/ Eduardo Vincenti, 8, Bueu. 36930 (Pontevedra). Tfno. 986390029.



Concello de Bueu

importe inferior a 1.000 € poderase utilizar o pagamento en efectivo e a factura deberá incorporar a lenda de pagado, a data de pagamento, cuño da empresa e sinatura e identificación da mesma (Nome completo e NIF de quen asina).

- Declaración responsable doutras axudas, subvencións ou ingresos percibidos para a mesma finalidade con indicación da súa procedencia e importe.
- Certificados de estar ao corrente coas obrigas tributarias coa AEAT, Seguridade Social e ATRIGA.
- Acreditación da difusión do financiamento percibido do Concello de Bueu.

SEXTA. GASTOS SUBVENCIONABLES

Considéranse gastos subvencionables os que estean directamente relacionados coa natureza e obxecto do convenio e concretamente:

- Gastos de persoal da Asociación adicado ás labores e tarefas previstas neste convenio.
- Gastos de manutención e coidado dos animais recollidos.
- Limpeza e mantemento das instalacións.
- Gastos da marcación dos animais que fosen recollidos e non se identifiquen os seus propietarios.
- Gastos de organización de campañas de adopción.

De conformidade co previsto na Lei 9/2007, de subvencións de Galicia, para efectos desta xustificación consideraranse os gastos realizados durante as anualidades de 2025, 2026 e 2027 que respondan á natureza da actividade subvencionada.

Os gastos de persoal deberán xustificarse a través de nóminas e xustificantes de pagamento das mesmas, RLC e xustificantes de pagamento, modelo 111 do IRPF e xustificantes de pagamento. O resto dos gastos xustificaranse con facturas ou documentos análogos con valor probatorio no ámbito mercantil e administrativo, xunto coa acreditación de ter realizado o seu pagamento.

SÉTIMA. REINTEGRO, INFRACCIÓNS E SANCIÓN

O Concello de Bueu, poderá comprobar, polos medios que considere oportunos, o cumprimento dos obxectivos e actuacións previstas neste Convenio, ademais do investimento das cantidades outorgadas en relación cos seus axeitados fins, e se, tras as actuacións de verificación, resultara que estas non foron destinadas aos fins para os que se terían concedido, a Corporación poderá esixir o reintegro do seu importe.

É obriga do beneficiario someterse a estas actuacións de comprobación e inspección a efectuar pola Administración Municipal, as de control financeiro que corresponden á Intervención e as previstas na Lexislación do Tribunal de Contas.



Concello de Bueu

O incumprimento dalgunha das cláusulas dispostas no presente convenio de colaboración poderá implicar a obriga de reintegro parcial ou total dos fondos recibidos, así como o pago dos xuros de mora que se deveñen dende o día no que se realizou o pago ata o momento no que se acorde a procedencia do reintegro.

Así, a axuda concedida deberá ser devolta ou reintegrada nos casos previstos no artigo 37 da Lei 38/2003 e en todo caso cando :

- Se obteñan falseando as condicións requiridas.
- Non se apliquen aos fins para os que foron concedidas.
- Incumpra o beneficiario as obrigas asumidas e as condicións establecidas neste convenio.

Sen prexuízo do anterior, o dito incumprimento tamén poderá ser constitutivo dalgunha das infraccións tipificadas na Lei 38/2003, do 17 de novembro, ou na Lei 9/2007, do 13 de xuño.

OITAVA. COMISIÓN DE SEGUIMIENTO

1. Para o seguimento deste Convenio constituirase unha Comisión de Seguimento, formada por un representante de cada entidade asinante e un Secretario. Para estes efectos os representantes serán as seguintes persoas:

- O representante do Concello, o concelleiro responsable da área de Benestar Animal.
- O representante da Asociación Protectora de Animais do Morrazo, a persoa que desempeña a Presidencia da Asociación, sen prexuízo de da súa delegación noutra persoa.

A Presidencia da Comisión ostentará o representante do Concello, e as funcións da Secretaría serán realizadas por un empregado público deste, que terá voz, pero non voto.

2. A comisión rexerase polo establecido na Lei 40/2015, do 1 de outubro, de réxime xurídico do sector público e estará presidida por quen acorden os membros da comisión por maioría simple.

3. A comisión poderá ditar as súas propias normas de funcionamento, debendo reunirse cando así o solicite algunha das partes. As súas funcións serán:

- Interpretación do convenio.
- Intervención previa á resolución por incumprimento.
- Proposta, de ser o caso, de addendas.
- Resolver cantas dúbidas se lle presenten polos membros integrantes.
- Calquera outra relacionada co desenvolvemento deste convenio.

NOVENA. MODIFICACIÓN DO CONVENIO

Concello de Bueu

R/ Eduardo Vincenti, 8, Bueu. 36930 (Pontevedra). Tfno. 986390029.



Concello de Bueu

O convenio modificarase por acordo unánime das partes de acordo co establecido na lexislación vixente.

DECIMA. EFICACIA E VIXENCIA DO CONVENIO

O prazo de vixencia deste convenio será dende o día seguinte a súa sinatura ata o 31 de decembro de 2025.

En todo caso, producirán efectos e serán xustificados os gastos subvencionables xerados dende o 1 de xaneiro de 2025 ata o 31 de outubro de 2027.

En todo caso, e antes do seu vencemento, poderá prorrogarse de forma expresa a través da correspondente addenda, conforme ao disposto no artigo 49.h da Lei 40/2015, do 1 de outubro, do Réxime Xurídico do Sector Público, por prazo non superior a 4 anos.

A tramitación, subscrición e efectos da prórroga efectuarase de acordo co previsto na normativa aplicable.

DÉCIMO PRIMEIRA. INCUMPRIMENTO E EXTINCIÓN DO CONVENIO

Constituirán causas de resolución do presente Convenio as seguintes:

- a) O incumprimento grave das obrigas propias da Asociación Protectora de Animais, especialmente as establecidas nas cuestións hixiénico - sanitarias citadas pola administración.
- b) A insuficiencia notoria de medios, persoal ou materiais para o coidado, atención ou manutención dos animais que poidan chegar a entrañar riscos sanitarios.
- c) Impedir ou dificultar as tarefas de inspección ou control dos servizos municipais
- d) A falta de cumprimento reiterado das obrigas das partes contidas no presente convenio.
- e) O transcurso do prazo máximo de vixencia.
- f) O acordo unánime das partes asinantes.

DÉCIMO SEGUNDA. PROTECCIÓN DE DATOS

As actuacións deste convenio que impliquen o tratamento de datos de carácter persoal deberán respectar na súa integridade a normativa reguladora da protección de datos de carácter persoal.

DÉCIMO TERCEIRA. PUBLICIDADE DO CONVENIO

En cumprimento do disposto nos artigos 18 e 20.8 da Lei 38/2003, xeral de subvencións, comunicarase a subscrición deste convenio á Base de Datos Nacional de Subvencións, que opera como sistema nacional de publicidade de subvencións.



Concello de Bueu

E en cumprimento do establecido no artigo 8 da Lei 19/2013 de transparencia, acceso á información pública e bo goberno, ademais publicárase no Portal de Transparencia municipal.

DECIMO CUARTO. NORMATIVA APLICABLE.

Este convenio de colaboración está excluído do ámbito de aplicación da Lei de contratos ao abeiro do establecido no artigo 6 da Lei 9/2017, de 8 de novembro, de Contratos do Sector Público.

No non previsto nas presentes cláusulas, serán de aplicación as Bases de Execución do vixente Orzamento Xeral Municipal, no relativo ao recoñecemento e pagamento de subvencións; R.D. Lexislativo 2/2004, do 5 de Marzo, Texto Refundido da Lei Reguladora das Facendas Locais, Lei 38/2003, do 17 de Novembro, Xeral de Subvencións; ademais das normas de dereito administrativo e da xurisdición contencioso – administrativa.

En proba de conformidade e para o fiel cumprimento do acordado, subscríbese o presente Convenio, en Bueu e considerándose como data de formalización do mesmo a da última das sinatura electrónica incorporadas ao mesmo.

O CONCELLO DE BUEU

**ASOCIACIÓN PROTECTORA DE
ANIMAIS DO MORRAZO,**

O SECRETARIO ACCIDENTAL DO CONCELLO

Documento asinado electronicamente á marxe.

Concello de Bueu

R/ Eduardo Vincenti, 8, Bueu. 36930 (Pontevedra). Tfno. 986390029.



Concello de Bueu

CONTA XUSTIFICATIVA DE GASTOS

DATOS DA ENTIDADE

Razón social:

NIF:

ENDEREZO

Tipo de vía:

Nome da vía:

Núm.

Portal:

Piso: Porta:

Provincia:

Concello:

Código postal:

Correo-e:

Tel.:

Móbil:

DATOS DA PERSOA REPRESENTANTE

Nome:

1º apelido:

2º apelido:

NIF:

En calidade de:

Correo-e:

DECLARACIÓN RESPONSABLE

A persoa responsable declara:

a. Que para a actividade/investimento

se realizaron os gastos que se relacionan na seguinte conta xustificativa:

Núm.	Provedor/empresa	NIF	Núm. factura	Concepto	Importe

Total

b. Que se xunta a relación de facturas polo importe da subvención concedida e que o resto dos xustificantes se atopan na sede da asociación/entidade e a disposición do Concello de Bueu para o seu exame.

c. Que os gastos que arriba se detallan son reais, se aplicaron á finalidade subvencionada e foron reflectidos nos libros contables da entidade.

d. Que o importe das subvencións concedidas das diversas institucións para cada actividade/investimento non superaron o importe total dos gastos devengados.

e. Que o custo total da actividade/investimento ascendeu a _____ euros.

Concello de Bueu

R/ Eduardo Vincenti, 8, Bueu. 36930 (Pontevedra). Tfno. 986390029.



Concello de Bueu

- f. Que se fixo a debida divulgación do financiamento Do Concello na actividade/investimento subvencionada.
g. Esta entidade/asociación está ó corrente coas súas obrigas tributarias (co Estado e coa Comunidade Autónoma), coa Seguridade Social e non ten débedas de ningún tipo co Concello

Naqueles casos nos que o cadro da conta xustificativa non sexa suficiente para confeccionala, deberase cubrir o documento anexo

SINATURA

Lugar e data: , de de

Concello de Bueu

R/ Eduardo Vincenti, 8, Bueu. 36930 (Pontevedra). Tfno. 986390029.